



觀所緣緣論釋直解

陳那菩薩造論 三藏法師玄奘譯
護法菩薩造釋 三藏法師義淨譯
薄益釋智旭解

若言能令毒智人爲令其慧極明了。及爲消除於罪
惡稽首敬已觀其義

此歸敬而述其釋論之意也。若言者卽指觀所緣
緣論之文字語言。文字卽教。觀卽是行。所緣緣卽
理。此三法寶本惟佛說。陳那造論以申明之。是菩

64853

薩僧故一言字三德三寶皆悉具足。毒智人者外道我法二執是見思毒餘乘法執是無明毒由與此毒相應故名毒智。由此毒智故令凡外起有漏之罪惡招分段果亦令餘乘滯偏空之罪惡作變易因今此觀所緣緣論遮外境之非有表相分之不無破偏計而顯依圓闡唯識而彰中道能令毒智當下卽成極明了慧慧旣明予罪惡自消此論上合佛意下益羣生如此故稽首敬已重觀其義而釋之也。

此下欲解釋文須出本論卽以本論之文作科不敢更立繁科也旣借論文作科故仍低二字書之以便觀覽菩薩大慈必恕我罪

(論)諸有欲令眼等五識以外色作所緣緣者論曰諸許眼等識者於所乘事及所收事或捨或取是觀察果故所捨事體及顛倒因是所顯示

此總明先敍外執之大意也論曰諸許眼等識者是牒論文於所乘下方釋其意所乘事謂外人所執極微和合二法決定非有故大乘破斥而棄之。

所收事謂外人所許生識帶相二語。于義不謬。故大乘設許而收之。如是捨所棄事。取所收事。是觀察因所成宗法之果。方得名真能破故也。是中所捨外執極微和合二種事體。及彼各缺一義之顛倒因。乃是此論之所顯示。由顯示彼顛倒之因。乃可破彼所執極微和合之事。由破所執極微和合不能作所緣。緣乃可顯示心外無法宗旨。故欲申正義成真能立。先須破外執也。

此中等言謂攝他許依其色根五種之識。由他於彼

一向執爲緣實事故。意識不然。非一向故。許世俗有緣事等故。縱許意識緣實事境。有其片分。亦能將識相似之相離無其境。於眼等識境不相離得成就已方爲成立。是故於此不致殷勤。

謂此論中等之二字攝他餘乘共許依其五淨色根之五種識也。問曰。何故觀所緣緣。但約前五識辯而不約第六識耶。答曰。由他餘乘於彼五識一向執爲能緣心外實事境。故故須破之意識不然。非一向故。餘乘亦許意識緣世俗有以其能緣車

1 2 3 4 5 6 7 8 9 90 1 2 3 4 5 6 7 8 9 10 1 2 3 4 5 6 7 8 9 10

等諸假法故。縱彼妄許意識緣實事境有其片分。亦能將獨頭意識相似之相以離無其所執。外境今但當於眼等五識明其所緣相分之境決不相離得成就已。方爲理善成立。是故於此意識不致殷勤謂不勞細辯也。

又復於慣修果智所了色誠非咀迦此云情計所行境故及如所見而安立故。今此但觀聞思生得智之境也。如斯意識所緣之境全成非有。此於自聚不能緣故。復緣過未非實事故。猶若無爲爲此等言攝五識身。

忍有問曰。汝謂意識不緣實事則彼慣修果智於禪定中所了定果色法。豈非現量性境耶。今釋之曰。又復於慣修果智所了之色誠非情計所行境故。及如所見而安立故。謂已得慣修果智自然離於二取決不妄計定果色爲心外之實我實法。今此論中。但觀從聞生得智從思生得智之境。以爲所緣緣也。如斯則知散位意識所緣之境全成非有。以此意識於現在五識自相分聚決不能親緣故。或復緣於過去未來非實事故。猶若無爲非是。

有法爲此論中等之一言。但攝前五識身不必攝於意識。

若爾根識引生所有意識斯乃如何。

此因前文所云此於自聚不能緣故而設問也。謂若云意識不能緣五色聚。則五根識所引生之意識豈亦不緣五塵境耶。

非此共其根識同時或復無間皆滅色等爲所緣故或緣現在此非根識曾所領故。斯乃意識自能親緣外境體性。此則遂成無聾盲等復違比量知有別根。

答曰。非此引生意識共其前五根識同時以既名引生必有先後。此之意識或復但以無間皆滅之色聲香味觸爲所緣故。蓋色等五塵唯心所現。初生卽滅不容暫留。故引生意識但得緣彼落謝影子。非現量也。又恐問曰。同時意識豈不許緣外五塵耶。今遂釋曰。或許同時意識緣現在境。然此意識旣與五識同起。便非能緣根識曾所領故。設許意識緣彼五塵斯乃意識自能親緣外境體性。不假前五根識。此則遂成無聾盲等復違比量知有

別五根之用矣。正顯同時意識亦自變相而緣。決無親緣外境之理。設許意識能親緣境。則聾盲等亦有意識。何獨不能緣聲色耶。又意識既自能緣外境。則五根發識功能亦爲無用。

此遮增色是所欲故。然於意識不復存懷。眼等諸識色爲依緣而方有故。無表但是不作性故。自許是無本意如此。

增色謂所執心外五塵也。言此論所以但遮增色者。以是餘乘之所欲故。特須破之。明其外所緣緣境。本意如此。故不須約意識辯也。

非有然於意識不復存懷。良以眼等五識必以色根爲依色。塵爲緣而方有故。至於意識所緣無表色法。但是不作性故。自許是無。不同所計外五塵境。本意如此。故不須約意識辯也。

此於所緣將爲現量。是所取性故。深履邪途故。爲此正意遮所緣性。因便方遮斯所依性。同時之根。功能之色。將設許之。

此申明遮彼所欲增色之意也。彼所執心外增色復有二種。一者所依根色。二者所緣塵色。而今先

破所緣者。以此等之人。妄於所緣。將爲現量。以爲實得。外境深生取著。路履邪途。无可悲痛。爲此主意。但遮破彼妄計。五識所緣。微塵和合之性。直待後文。因便方更遮斯五識所依根性。今於同時之根功能之色。宜將設字以縱許之也。

言外境者。彼執離斯而有別境。此顯其倒。顯彼執有異事可取。故言境也。

外境卽論中外色二字。恐有難曰。旣無外境。何故論中自言外色。故今釋白言外境者。以彼餘乘妄

執離斯五識而有別境。此正欲顯其倒。故非外而假名爲外。又顯彼虛妄執有異事可取。故非境而假言境也。

如何當說。或言總聚。由非總聚實事應理。

總聚卽論中下文所謂和合實事。卽論中下文所謂極微也。問曰。外境旣無。如何當說。或言總聚。由非斥其總聚無實。則微塵實事應符正理耶。

誠如來難。彼自前後道理相違。余復何失。緣其實事及緣總聚。是所許故。將欲叙其別過。爲此且放斯愆。

答曰。誠如來難過仍在彼。余復何失。蓋彼執總聚則違緣字道理。彼執實事則違所緣道理。故云前後道理相違也。或以實事爲所緣緣。或以總聚爲所緣緣。乃是彼之所妄許故。今大乘家將欲叙其二支有缺之別過。故于妄計極微是實之愆。且放過一著也。唯識論云。許有極微尚致此失。况無識外真實極微。正是此意。

(論)或執極微。許有實體能生識故。

或許極微。雖復極微。唯共聚已而見生滅。然而實體

一一皆緣。不緣總聚。猶如色等設自諸根悉皆現前。境不雜亂。彼根功能各決定故。而於實事斷割有能。一一極微成所緣境。彼因性故。彼眼等識之因性故。是彼生起親友分義。然而有說其所緣境是識生因。在諸緣故。

此詳叙妄執極微之似能立以爲下文真能破之。張本也。言或有妄。許極微作所緣緣者。蓋謂雖是極微共聚而見生滅。然而五識于此極微實體。一皆緣。不緣和合總聚之假法。猶如色聲香味觸。

之五塵設自諸根悉皆現前於五塵境不相雜亂。以彼五根功能各決定故。而於極微實事之上。眼取其色。耳取其聲。鼻取其香。舌取其味。身取其觸。名爲斷割有能故。知一一極微成于五識所緣之境。又即是彼五識之因性故。復名爲緣。是故合稱爲所緣緣。何以故。以此極微乃彼眼等五識之因性故。是彼眼等五識生起之親友分義。然而有說其所緣境即是識之生因。以在諸緣之所攝故。言親友分義者。謂親因緣如父母。所緣緣如親友也。

諸緣卽四緣。一親因緣。二等無間緣。三所緣緣。四增上緣也。此中量云。極微是有法。成所緣境宗。因云。彼因性故。然無同喻。

論或執和合以識生時帶彼相故。

或復於彼爲總聚者。彼諸論者執衆極微所有合聚爲此所緣。相識生故。由於總聚而生其智。是故定知彼爲所緣。如有說云。若識有彼相。彼是此之境。

此詳敘妄執和合之似能立以爲真能破張本也。言或復於彼所緣緣而執爲是總聚者。彼執衆極

微所有合聚爲此五識所緣。以其如總聚相而識得生故。由於總聚而生其了別之智是故定知以彼總聚而爲所緣。如有說云。若識有彼相。彼是此之境。今五識上既有總聚之相。則彼總聚豈非此五識之所緣境哉。此中量云。合聚是有法爲識所緣宗。因云相識生故。亦無同喻。

論二俱非理。所以者何。

此二論者。咸言彼相應斯理故。

猶云自謂與理相應。此結其妄計之情也。

若不言因。此因無喻。猶如因等成因等性。極微總相是所緣性而成立之。

大凡成立之法。前陳爲所別。後陳爲能別。宗爲所成。因爲能成。因爲所合。喻爲能合。今彼二論。雖各出因竟。無同喻。似若不曾言因一般。以此二因既皆無喻。則猶如但以因而成因性。但以宗而成宗性。以彼但謂極微。總相二種。是所緣性而成立之。既無喻以合因。便無因以成宗。故二俱非理也。又若自許不於識外緣其實事。應有有法自相違過。

然法稱不許。斯迺於他亦皆共許。卽以爲喻。若但如所說。應於所立義而屬當之。前量意云。論本一因。但是明因。所以不卽是因。以無共成之喻。爲此須出彼相應因。何以如此。復顯已所論之理。是無謬妄。問曰。大乘何不卽立正量。乃先縱許二論各有一支而破之耶。釋曰。又若未破彼之所執極微和合二俱非理。而先自許內相分色爲所緣緣。不於識外緣其實事。則疑識外原有實事。但是五識不去緣他。應有有法自相相違之過。然又相分色法餘

乘皆稱不許。卽是所別不極成中他一分不極成也。是故斯迺且置自許之法。但就於他亦皆共許之法。卽將根及二月以爲其喻。若但如彼餘乘所說之因而立同喻。應於所立宗義而屬當之。俾其次第連屬法喻對當。便可破彼妄執也。又所以先述餘乘前量者。意云彼之論本。雖有生識帶相三因。但是明因之所以而不卽是三支中之因。以無共成之喻不成因故。爲此須出彼宗相應之因。何以如此。各無同喻。何以如此互缺一枝。則邪量已

破次復顯已所論之理是無謬妄乃爲真能立耳
論極微於五識設緣非所緣彼相識無故猶如眼
根等

明他共許置第五聲設許爲因猶如共許諸非有事
非有性故。

此先釋頌中設字之義也。第五聲謂八轉聲中第
五相從就義名爲從聲乃是縱許之辭非是實許。
猶如世人共許龜毛兔角石女兒等諸非有事卽
是非有性故。

非因極微而且縱許諸極微體是其因性但說不合
是所緣性由非彼相極微相故此云根識極塵非境
此正釋宗因也言五識之生其實非因極微而且
縱許諸極微體是其實法可爲因性但說不合是
所緣性由非彼五識所緣之相仍是極微相故故
此破云五根所發之識于彼極塵非所緣境。
如根者言猶如於根縱實是識親依之因無根相故
非彼之境極微亦爾。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

識上無五根相非彼五識所緣之境極微亦爾縱許實有亦非所緣

諸無其相彼非斯境者何謂也爲此說其名境者等此問答釋妨也問曰若使諸無其相彼卽非斯識所緣境者則意識緣過未等又何謂也答曰爲此說其名境者等蓋有質可仗名爲事境無質可仗

名爲名境事境通于六識名境唯在第六識也

論所緣緣者謂能緣識帶彼相起及有實體令能

緣識托彼而生

言自性者謂自共相了者定也如何此復名爲了耶如彼相生故此言意者同彼相貌而識生起由隨彼體故此則說名了彼境也而實離識無別所了

自性卽頌中所謂實體能爲生識之緣者也了字卽頌中所謂帶彼相起謂相分是見分所了故名爲所緣也自共相者離名種等現量所得名爲自相假智及詮依之而轉名爲共相卽相分也定者決定分明白了別卽見分也如何此自共相復得名爲了耶答曰以如彼自共相而生起了別識

故此言中之意趣謂同彼本質相貌而識生起。由此見分隨彼本質之體而變爲相分故。此則說名了彼境也。而實離自識外。無別所了。

可與其識爲因性耶。然而但有前境相狀於其自己猶如鏡像而安布之。其許名斯爲了其境。

此問答遣疑也。問曰。旣所了不卽本質。則此本質可與其識爲因性耶。答曰。然而但有前境相狀於其自己識上猶如鏡中之像而安布之。其許名斯爲了其境。此則旣具帶相生識二義。故得爲所緣。

緣也。

論色等極微設有實體能生五識容有緣義然非所緣如眼根等於眼等識無彼相故如是極微於眼等識無所緣義。

然非極微一一自體識隨彼狀由此極微而爲境體縱有因性由非因義所緣如根雖是因性不爲所緣若由因性許作所緣根亦同斯應成彼也

此正釋論文也。言極微一一自體非可謂五識隨彼相狀由此若以極微而爲本質境體縱許或有

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

因性。由非但以因義。便作所緣。譬如五根雖是因性。不爲五識所緣。假若由是因性。便可許作所緣。則五根亦復同斯極微。應成彼五識之所緣也。然豈有是理哉。

斯言前說彼相應理。故因有不成過。然而意顯非唯因性。卽是其識所緣之相。若如所說。因將爲能立者。則彼因性。故爲所緣性耶。於根亦有成不定過。

此正申明設許之意。非實許也。餘乘所執心外極微的確是謬。但所說實體能爲生識之因。此言猶

可收錄。即是彼相應理。故姑許其因。但有不成所緣之過。然而意顯非唯因性。卽是所緣。乃奪其所緣耳。非實許其能立。生識因也。若如彼所說。極微爲生識因。而將爲能立者。則彼因性。旣能成立。故不幾爲所緣性。亦可成立耶。且夫以根爲同喻者。亦不過以根非所緣。喻彼所執極微非所緣耳。非以根能生識成彼極微。果能生識也。假使實許極微爲因。則於根喻亦有不定之過。何以故。極微是餘乘妄計名爲非量。五根是大乘所許名爲此量。

以極微同五根。則極微亦非妄執。以五根同極微。則五根亦成非量。其可乎哉。

若如是者。由非彼相其義何也。爲明成立自己之宗。由非但述他宗過故已義便成。此言爲彰非卽能生自識相故。境非極微。猶如眼等。若其是彼因性之言。將爲論主前立他宗。明他共許。此時意在遮他顯已。能破義成置斯言矣。宗許定彼。不定他宗。恐其不許。此下兩番問答。皆所以申明破立之體式也。今第一番問曰。若如是者。何不直破之云。心外別無極。

微而但云由非彼相其義何也。答曰。爲明成立自己心外無法之宗。由非但述他宗心外計法過故已義便成。蓋大乘設不立量縱奪。使彼餘乘理窮辭盡。而但遮彼所執極微。則彼亦將遮我所立相分色矣。故今此言。但爲遮其非。卽能生自識相故。明所緣境非是極微。猶如眼等不爲所緣。若其設向許是彼因性之言。將爲論主前立他宗而非實立也。但是權且明他共許。此時意在遮他所緣之非。然後可以顯已之是。欲使能破之義得成。所以置

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

斯設許言矣。蓋凡立宗之法。須先設許一半以定彼案。若一總不定他宗。恐其亦不許我故也。

向者與他出不定成。即是能破。何假自宗更申比量。凡言不定。未必決定不成。恐致疑惑。是故更須立量。或可由斯非。彼相者於諸極微。非定了性。如相識生。是謂決了。既彼非故。明知決了此亦無由。應可說非。決了性故。唯出此因。不是所緣。如根極微。

此第二番問答也。問曰。若如是。則向者與他出不
定成。即是能破。何假後文自宗更申比量耶。答曰

凡言不定。未必決定不成。恐致疑惑。是故更須立量也。或可由斯極微。非彼眼等五識所緣相者。以眼等五識。於諸極微。非是決定可了別性。此但破他。次更自申比量。必須如本質相而識得生。是謂決了。既彼五識。非如極微相而現故。明知決了此亦無由。應可說非。決了性故。所以今且唯出此極微。因不是所緣。喻以如根而遮極微。非所緣義。姑縱許其得有緣義。直俟下文申自比量。則彼方得決了。并此得有爲緣之義。亦復不攻而自破也。

有餘復作諸識差別顯其成立眼識不能了極微色無彼相故如餘根識如是餘識翻此應言如根之言誠爲乘也其喻別須義准而出此叙有餘大乘作如是破外執也量云眼識是有法不能了極微色宗因云無彼相故喻如耳根等識乃至量云身識是有法不能了極微觸宗因云無彼相故喻如眼根等識故曰如是餘識翻此應言此則如根之言誠爲互通互用猶如乘也其喻止是別須義准而出耳。

又復縱是因性之言爲無用矣彼雖因用非所緣性此亦如是實爲有用然非聲等所有極微可是餘根之識生因

此正明上文所立比量雖似有理而有奪無縱恐不能定彼宗也何以故假使彼人因此比量卽轉計云眼識是有法定能了極微和集色宗因云有彼相故喻如餘耳根等識乃至云身識是有法定能了極微和集觸宗因云有彼相故喻如餘眼根等識我旣不縱許彼極微得有因性彼將轉計極

微和集之物得有所緣之性。是則此陳那菩薩縱是因性之言爲無用矣。而豈可以破彼令結舌哉。今陳那之論妙在明他共許。故云彼五根雖有因用非所緣性。此極微亦復如是。縱令實爲有用。然聲之極微。非可爲眼鼻等識生因。色之極微。非可爲耳鼻等識生因。乃至觸之極微。非可爲舌鼻等識生因。則雖縱許已成半奪。又何必全奪也。蓋始但縱許而舍半奪。則究竟還成全奪。始若全奪。則無明他共許之義。彼亦將不許我矣。

論和合於五識設所緣非緣。彼體實無故。猶如第二月。色等和合於眼識等。有彼相故。設作所緣。然無緣義。如眼錯亂見第二月。彼無實體。不能生故。如是和合於眼等識。無有緣義。云非契判有說於識自體無聚現故。因非是所緣。宗如根喻衆微。有由境相狀安布於識。是彼相性。此非有故理。卽說其無有聚現。如是。且述鉢羅摩怒卽極。也不是所緣。彼之能立不相應故。及非境性量善成故。若爾。總聚是境。

謂有餘乘。因見大乘破彼極微無所緣義。乃轉計
和合而作是說。於識自體無聚現故。非是所緣喻。
如根之衆微。大乘破之信爲有理。何以故。由境相
狀安布於識。乃是彼所緣相之性。此極微相識非
有故。理卽說其無有聚現。如是且述極微不是所
緣彼初家之能立不相應故。及大乘所云非境性
之量善成立故。若爾則應總聚乃是五識所緣之
境也。

然由所說諸有能立。若望謨阿卽大乘也宗皆有不成性。

理實如此。然而總聚實有彼相。有是所緣。無因性故。
由彼相識不能生。其總聚相識總聚不生。彼旣不生。
此識如何令此緣彼所緣之相不相應故。非所緣義。
由此前云彼相應理。斯乃不成。要處是其身自牴牾。
此正釋設作所緣然無緣義也。謂由餘乘所說諸
有能立。以其不達唯識。若望大乘皆不能立。理實
如此。似不必明。他共許然後破之。然而總聚于識
生時實有彼相故。可許其有是所緣。但決非因性
故。由彼相是假合。則於五識便不能生。當知其總

聚相之識。此假總聚所不能生。彼假總聚既不能生此識。如何令此識緣彼總聚哉。蓋以不能生識之物而爲識所緣之相。理決不相應故。所以既無緣義。並非所緣義矣。由此前第二家云。彼相應理斯乃亦決不成也。

若爾何謂所緣之相。凡是境者。理須生其似自相識。隨境之識。彼是能生。彼是所緣。有說凡爲境者。理必須是心及心生起之因也。此旣生已。隨境領受而興言論於時。名此爲所緣境。若義具斯二種相者。此乃

方合名爲所緣。是能生性所緣之性。引阿笈摩即阿含此教云。此即便是說生緣性。由是生因。彼識生緣。共許是其所緣之境。自體相現。此中無益。故不言之。

此設爲問答。重明所緣緣之正義也。問曰。若爾則總聚旣非生緣。亦非所緣。畢竟何謂所緣之相。答曰。凡是所緣境者。理須能生其相似自相之識。而隨境之識。卽以彼相爲能生。卽以彼相爲所緣。又有說言。凡爲所緣境者。理必須是心之所現。及是心生起之因也。謂此識旣生已。隨其境相領受。而

與言論於時名此爲所緣境。若義具斯二種相者。此乃方合名爲是所緣緣。所謂一者是能生識之性。二者是識所緣之性也。上來所引經教此。即便是說生緣性。由是生因而令彼識生於緣慮。方乃共許是其所緣之境自體相現。則安可以心外總聚而爲所緣。是知總聚不惟無緣義。并無所緣義也。但在此中彼執未曾破盡。未可卽申正量。說之無益。故不言之。

能非總聚是能生者非實事故。由其總聚不是實事。

此於有聚一異二性不可說故。又復無有不實之事能有生起功用功能。猶如二月。如第二月不能生識。第二月相。

由此正釋彼無實體如第二月之義也。言今論家所以能非斥其總聚是能生者以總聚決非實事故也。由其總聚不是實事。此於微塵之有和合之聚。一異二性不可說。故謂若說總聚與微塵異。則總聚可見。微塵不可見。若說總聚與微塵同。則離衆微塵外別無總聚自體可得。故楞伽經云。泥團微

塵非異非不異也。又復無有不實之事而能有生起果用之功能所以其喻猶如二月如第二月決定不能生於眼識上之第二月相

若爾何因有斯相現根損害故若時眼根由瞖等害損其明德遂卽從斯損害根處見二月生非實境故由此二月縱有彼相然非斯境

此問答解釋二月之義也問曰旣云不能生識上之第二月相何因現見瞖目之人有斯二月相現答曰此由根損害故若時眼根由瞖等害損其光

將此第二月喻於彼帶相之因應知說其不定生識之過復由此第二月唯是意識妄見之義理成就故顯彼妄立總聚爲有法者過是自相相違蓋餘乘以識帶彼相成立總聚爲所緣之宗大乘以彼體實無成立總聚設所緣非緣之宗是餘乘犯共不定過又餘乘立總聚爲有法大乘以總聚同二月二月豈可立爲有法是餘乘犯有法自相相違過也

如餘根識此喻共許故不別言

此亦別叙有餘大乘作如是量以破外執今不用也。量云眼識是有法不緣青等聚積極微宗因云爲由彼聚集體全是假法非是能生性故同喻如耳根等識乃至身識是有法不緣觸等聚集極微宗因云爲由彼體非生性故同喻如眼根識等此亦有奪無縱恐不能定彼宗今此二月之喻乃是明他共許若彼餘根識喻則于設所緣之言反爲無用故不別言也

第二月喻非實事故應知此是於非因性而成立之。如所說云縱有相性然非彼緣斯言復是非彼因義此正明今之第二月喻但顯非實事故應知此是且於總聚定非因性而成立之如所說云縱有帶相之性然非彼識生緣斯言復是非彼識生因義且先出其缺能生義之過耳。

若言無有第二月者如何現見有二相生謂從內布功能差別均其次已似相之識而便轉生猶如夢時見有境起由此令似妄作斯解於其月處乘更覩餘

此更問答以明二月之虛妄也。內布功能卽勝義眼根也。差別卽損害也。問曰。若言無第二月如何現見有二相生耶。答曰。謂從第八識內安布色之功能有損害差別故。非二似二均其次已。似相之散昧意識而便轉生。猶如夢時見有境起。由此令似妄作斯解。於其一月之處乘之更覩餘月。何嘗有心外之實境哉。嗟嗟苟知二月惟心所現。則知根身器界一切總聚之相亦惟心所現矣。

諸有說云。而於眼識雙現之時。此二次第難印定故。

將作同時。於斯二種相貌之後。意識便云我見月之第二月也。或復有云於共許月數有錯亂。由根損故。此叙不達唯心之人。更於二月妄起二種戲論也。一二云。而此月相於彼眼識前後剎那雙現之時。此二次第難印定故。將作同時。故彼剎那前後眼識於斯二種相貌之後。意識便云我見月之第二月也。二云。但于共許天上一月數有錯亂。由根損故。別見有二。

若望不許外境之宗。如斯衆見。但是妄執。

此總斥二說。下方別破也。

由非眼識所緣無間引生意識能於一時雙緣二相作如斯解見二月耶。又於聲等緣彼之識不知其次應有二聲等見同時起耶。好眼之人意識次第尚多難解。何況依於色根之識測其差別便成多有二相等見。云而此民勝公處見藏南寺除羅變更之說也此破第一家戲論也。謂此二月之相豈由眼識所緣無間引生明了意識能於一時雙緣二相而作如斯之解以爲見二月耶。當知二月不惟非眼識

境亦非明了意識所緣境矣。又若執二月是意識不知其次則耳識於聲鼻識於香舌識於味身識於觸緣彼意識不知其次亦應有二聲二香二味二觸之見同時起耶。假如聞十聲鐘更聞一聲縱復刹那前後決不作二聲齊鳴之解。何獨于月而作二月齊現之解也。况好眼之人意識次第尚多難解。故於刹那生滅法中仍作似常似一之見。何況依於色根之眼識而反能測其刹那前後差別便成多有二相等見哉。

一旃達羅若時離識許實有者斯乃何勞妄增二月而言於數有其錯亂

此破第二家戲論也。一旃達羅卽天上一月也。天上之月祇是吾人共相識耳。離識之外何嘗實有一月。一月尚無。何勞妄增二月。而言于數有錯亂哉。蓋二月固是別業妄見。一月亦是同分妄見。故不惟妄見二月。名爲錯亂。卽妄執心外實有天上一月。亦錯亂也。一旣非真則二亦不得言數有錯亂矣。

(註)

故外二事於所緣緣互闕。一支俱不應理。實存

餘乘

離識之外執有二種。所謂

或執極微。或執

總聚。此皆闕其

一分義故。又如所說能立。

以能斥道理力故。以之爲

境成不相應。以

各闕一分故。蓋必自體相現。及能生性。其

斯三分方是所緣於極微處。卽闕初支於第二邊。使

亡第二。若如是者。如向所論二種過失。重更收攝令

使無差

文並可知。

(論)有執色等各有多相。於中一分是現量境。故諸

極微相資各有一和集相。此相實有。各能發生文似已相識。故與五識作所緣緣。

有說集相者。於諸極微處。各自有集相。卽此集塵而有相現。隨其所有多少。極微此皆實有。在極微處。各有總聚之相。以總聚相生自相識。微相實有性。故應是所緣。斯乃雙支皆是有故。

此轉計極微體中本具有和集相也。文亦易知。論此亦非理。所以者何。和集如堅等。設於眼等識。是緣非所緣。許極微相故。如堅等相雖是實有。

於眼等識容有緣義。而非所緣。眼等識上無彼相故。色等極微諸和集相理亦應爾。彼俱執爲極微相故。

此卽於前所有成立更求勝進。而無由。我且問汝。爲聚集

相卽是極微爲不爾耶。餘乘答曰。由諸境義有衆多相。卽此諸微。一一上許各有微狀亦各有集相。今更難曰。如何得令_微狀及二相共居。一_微事可爲應理乎。乃令_微有衆

多相。餘乘答曰。凡諸有色合聚之物。皆以地等四大爲性。彼皆自性有勝功能。如地有堅性。水有濕性。火有煖性。風有動性。地能任持。水能沃

潤火能變化。

黃赤青白

美惡

等相

隨其

事

物而爲

隨其

五塵

而爲

根

而爲

別

潤火能變化。

爲色耳聽之而爲聲鼻取之而爲香舌嘗之而爲味身覺之而爲觸可見極微之處各有

總集相卽將此極微上總聚之相爲眼等識所行境故是現

量性今更難曰若如是者於諸微處識上亦

應見

有聚相

何不言

能緣

識上

有其聚相

耶勿相分

境不同

質故餘乘答曰所以復云然於所

微處有總聚相

卽以此言爲其方便亦顯緣識兼有極微并總相也史難若爾一一極微有此相者則不待集時

先有集相何故復

曰

塵各

有聚相

何不言

能緣

識上

有其聚相

耶

質故餘乘答曰所以復云然於所

微處有總聚相

云總集相也夫色聚是衆多而極微是分別乃是論

中所縱

許此

諸極

微由

即是其總

聚性故離總聚外別無

別無總

聚所以

不是實有

如前已陳尙勞重述有別意趣縱

令極微其實事別別體殊然此微相狀非眼

所見但於集處

更相藉故而可了知但說觀集相更無餘矣安得謂

上更自各有

一集相哉

此番番問難以釋論中之意也文亦可知

又復設使諸有極微

皆有一合聚爲性然而彼

一事上

圓微相與有其勝劣勝能隱劣所以今且隨事觀之且如蒼色

和集相

所謂

解

而營造之恩聚相參地界之版數

而若在之經界相勝。地界之相衛相劣。所以但見蒼色。卽知地界。如是等

說誠爲應理

此重述餘乘之轉計也

縱許如是。即極赤物切生起。詩多事皆強遂無容矣。

紅詩女是女才更特

此大乘正破也。謂姑無論心外別無蒼色亦無地界縱令許其如是。然如極赤物初生起時赤色又強蒼色又強互不相隱以例極微與總聚相設全亦復多事皆強遂無容以勝隱劣矣而何以從不

曾見于一事處。雙現圓微及總聚之二相耶。豈可妄衣容有之處。乍比義義而竟無實。登也。

若爾如何說諸極微非根所見又復如何唯有如智
能見極微由其塵相非是識義非是依根識之境界
故曰非根非根之義獨是如智之所觀察
此餘乘反難而大乘正答也難曰若爾極赤初起
蒼不能隱便可證知眼能見於極微如何汝大乘
家說諸極微非是五根境界又復如何乃說唯有
觀慧如智能見極微答曰由其極微塵相非是五

釋五

三

識所緣之義。非是依根識之境界。故曰非根。此非根之義。獨是第六意識作假想觀成。就如智之所觀察耳。
復如何理。現見極微塵形。不覩如堅性等。如堅潤等。於彼青等。縱有其事。非是眼等識之境界。根之功能各決定故。塵亦如是。無違共許。
此亦餘乘難而大乘答也。塵形指眼等五根也。難曰。復如何理。顯現證見此極微相。乃眼根之所不覩。答曰。如堅性等。謂如堅潤緩動於彼青黃等色。

之上縱有其事。然決非是眼等識之境界。以根之功能各決定故。如眼見青等。決定不見堅等。身覺堅等。決定不覺青等。今微塵亦復如是。縱令是實亦決非眼所見。乃至非身所覺。故于共許之義無違也。
豈非顯微無其堅性。由別體故。此對宗法許其十處。但是大種。斯言無過。然此已陳。

此餘乘又難。而大乘又答也。難曰。既以堅等而喻極微上之和集。豈非欲顯極微之上無其堅性。將

堅性之無以遮和集之有。由能喻與所喻必別體故。此仍有違共許之義矣。答曰。此乃對於設緣非所緣之宗法。且縱許其內根外塵十處之色。但是大種所成。既是大種。豈得但有和集而無堅潤。故知能喻所喻不必別體。斯言無違共許之過。然此已陳。而非餘乘所能難也。

(論)執眼等識。能緣極微諸和集相復有別生。瓶甌等覺相彼執應無別。非形別故別形別非實。故瓶甌等物大小等者能成極微多少同故緣彼

覺相應無差別。若謂彼形物相別故覺相別者

理亦不然。項等別形惟在瓶等假法上有。非極

置極微故。

汝瓶甌等覺者。汝謂所見和集。卽是極微自體。如是證者。則於瓶及甌便成根覺相似而觀。無有差別。蓋以於其極自境識不

差故。復由根覺。但隨現有極微之實境而相生故。是識境不別。同是極微之所和集。如何得知瓶甌

之衆微亦有差別而得此言說。然諸極微既以總聚

時之相而爲其境。固非於彼瓶等極微自體了別之時

於衆多極微聚集體上或有片別。彼之極實事相貌之外。無別積聚體可得故。則緣彼之根識便成相狀無有差殊。由此瓶甌果得成於微塵自體是所緣性。復非於彼無別相處。覆審之緣異解性故。可令如緣青等。畢竟是青。終不作黃赤等解。今若果緣瓶甌等之衆多極微。亦應畢竟仍是衆多極微。不應別作瓶甌等異。若謂相殊故所言殊者。然所相但解也。又若謂相殊故所言殊者。云相謂形狀布置有殊。於其瓶甌脣腹底等殊異狀故。由境有別覺乃遂殊。此誠爲應理。然據汝所執仍以極微爲境。則斷無如是之差別事。何以非於根識所觀境處之極微亦有殊故。然此

總聚。但是三佛栗底。假有而此總聚必非根識現量所
境。此已斥破。何勞復說。復非可謂非因境之有別而令識相
有殊。亦可爲應理也。

此破其轉計。覺和集時。仍以極微爲所緣境。故謂瓶甌之極微無別。則覺亦應無別。不宜有瓶甌等覺也。三佛栗底義翻假有。餘文可知。餘乘問曰。復如何知諸極微處別狀非有。答曰。極微形相無別異故。凡諸事物有支分者必有別狀於方處轉。然諸極微體無方分至窮極處斯卽何曾得有形別。

於瓶甌等縱令事別而極微性曾無有殊。斯乃一體無增減故是故定知於總聚處非實物有。凡有方隅布列形狀便屬假法皆非前五根識所行現量之境。上來如是衆多詰責意欲顯其上有別相故當知瓶甌等覺決非以極微和集之別事爲所緣境。猶若蘇佐毒佐情矣。

蘇佐樂也。毒佐苦也。謂苦樂惟在自識豈有外境哉。餘文可知。

論彼不應執極微亦有差別形相所以者何。極微量等故形別惟在假析彼至極微彼覺定捨故

非瓶甌等能成極微有形量別捨圓微相故知別形在假非實。又形別物析至極微彼覺定捨非青等物析至極微彼覺可捨。由此形別惟世間俗有非如青等亦在實物是故五識所緣緣體非外色等其理極成。諸意通給財難財非青等
然而極微量等故乃是不別之境。即是彰其非彼眼等五識所緣境性。若相殊故方言殊者此言意顯向云非以不別之事而爲境者是立已成。今彼餘乘意說言極微爲境其實無殊然爲形相別故別也。大乘則謂極微無殊我

要五

卷五

亦共許是立已成。由諸極微量無別故。此形別惟在顯殊事是其別境。非在極微。是故小乘妄云極微亦有差別。答非已成。

此正明許其微塵無殊乃可彰其形別非實也。

或可此明諸根之識於瓶甌等無有極微相狀性故非是所緣。猶如餘識餘識謂意或餘根識但緣青時無黃相故。於諸極微雖體衆多無差別故而諸根識差別相故。斯乃共成非塵狀性。

或可申量破云。諸根識於瓶甌等是有法非是所緣。緣宗因云。無有極微相狀性故同喻猶如餘識。

言餘識者謂第六意識蓋總立前五識爲所喻。而意識爲能喻也。或復以餘根識互爲能喻互爲所喻。且如眼識但緣青時無黃相故黃卽非所緣。今亦如是緣瓶甌時無極微相於諸極微雖體衆多無差別故而諸根識差別相故。豈可以極微爲所緣。緣斯乃共成所緣緣決非微塵狀性矣。前許其極微無殊以彰形別惟假不能爲緣。今復由根識差別以彰極微不是所緣此縱奪之妙也。

頌於極微差別之言同前問答。若其總聚許覆相已

形非實境理方可成。如斯勝理是應成立。

如前問云復如何知諸極微處別狀非有。答云極微形相無別異故。今此頌中同前問答。若其瓶甌總聚許是隱覆極微之相而假有已。則形非實境理方可成。是則極微既非所緣總聚又非實有。二執俱奪明知心外無法。如斯勝理是應成立也。

若言離極微有如是瓶等者。如離析彼瓶甌至者。彼瓶甌覺卽便無故。猶如軍等。此言瓶等是非實義也。由瓶非實事故此卽顯得餘宗所執諸非不實皆非能

捨彼相違事也。如於聲等青覺非有。此形相別乃是覆相。有以其瓶等爲境性故。定可分析然未析時已分析後瓶相亦無是則瓶既非實極微復非所緣。故彼雖引衆多異見道理而竟不能顯其極微實事之體有其差別。

此釋又形別物析至極微等文也。已上破外色爲所緣緣竟

財
彼所緣緣豈全不有。非全不有。若爾云何。內色

如外現爲識所緣緣許彼相在識及能生識故。外境雖無而有內色似外境現爲所緣緣許眼

等識帶彼相故及從彼生具二義故。據內境體謂立自宗所緣之事。若也總撥無所緣境便有違世。及自許宗過以四種緣性是於乘經中說故。

此先釋非全不有之義也。

此中內聲爲顯不離於識而有所緣。言境體色者是所取分。是識變爲境相之義。然在識之外分別分而住。將此相以爲所緣境。雖得不違世之過如前尚在。由諸世俗共許於境在外而住。故應云如外。以免今違世。

之過此相分不離識。其所取分如外而現。惠夫云。我_{不達}也。然此實見於外境。生其執慢想。然實惟此內所爲因。如於眼識現其中。髮等。豈有識外。凡愚謂實正欲遣無其所在外之境。以非根識了性故。以理究尋。決不可謂了其自體者。定在於外。姑無論心外縱令許彼實有外相。然既在外。決非識所緣。以非彼識相性故。非識上曾極微相現。豈得以極微爲之確無境。此卽是其所緣哉。今必如似外相顯現之時。此釋內色如外現爲識所緣。緣二句義也。言識外

別分者識有四分。自證分及證自證分名內二分。
 見分相分名外二分。非謂在識外也。餘可知。
 彼相應故。由若與相理相應故者此相分卽是此識。
 爲親因緣性等決不離識。由與自相理相應故復顯識。
 起所緣差別體相不同。如云識有彼相故等明不假藉。
 外事爲境。如情所計境相隨生也。又彼情之所計心
 有境。若離於識亦必外有故。此之境相的確元不離識。
 由此名爲內境相也。故此領中內聲但言不離識耳。
 本無其識。外之望誰爲內。

此釋許彼相在識之義也。望猶對也。餘可知。
 及能緣從此相分生。以有此相方生故。或可從此
 之識。從此境。生以有此相方生故。見分或可從此
 之。由第七識與五識。義有別故。第七非我計我緣於
 識。但緣性境。由非離於境得有其識。是故有此相分。方迺
 識生。蓋第七緣帶質境。其相分非量。今前五是現量。
 從兩頭生。故名爲二法合。不言第五亦是二法合。
 故此釋及能生識故之義也。

明其所緣。與帶相及能生二支道理合故。方顯真能立也。此卽
 但以本識。共相之境爲其能立。而顯五識。若差別者。

其似若南不緣外事。可於其夢位以爲顯示。如說二種爲一能立。一識有彼相。二復是識生緣。此二用方成一量。

此總結成能立兼結不約第六識辯之意也。其相境謂器界五塵及浮塵根。若南此翻爲智似若南卽指第六識言。第六所緣非心外境。約夢喻之。卽可顯了。故不須辯也。

論此內境相旣不離識。如何俱起能作識緣。且復縱許有其內相。但觀外境妄有相。故言無他相。

如情計境。生其領受境之相狀列在於內。猶如鏡中將爲應理。然如何。旣是彼識之一分。而得作同時生識之緣。其所取分離識無故。斯是之一分。復還生於識。便成自體相違之過。復還是彼一分性故。論如能取之。分一般豈以能可生能取。斯乃便成匪能生性。又若但由外相染識而生此。卽相分與識同起。可謂二既同時而有因果之相生性。如牛兩角。豈有一因一果之理。又匪於其不異之事。同在一時。可以同伴聲而合說之。今亦非於識外別說有境。斯乃元非二物。如何可名同伴性耶。

此餘乘難問之辭也

論決定相隨故俱時亦作緣。或前爲後緣引彼功
由異能故。實如是。然由相狀差別力故。猜卜爲異而宣表之。
由有見分相分之殊。遂將此識而有差別。

此大乘答釋也。
若如是者緣性亦應但是所執。非分別事有自性體。
斯乃應成非真緣性。

此餘乘復難也。謂若如是見分相分。但由猜卜表

宜者。則此緣性亦應但是偏計所執。非可謂分別事有自體性。斯乃應成非真緣性矣。

此罔相違。由其緣義於餘所執差別之境亦共許之。
如等無間滅。同分之識爲斷割時。此識亦以四種多
緣而爲緣也。

此大乘再答釋也。謂分別事雖無體性。不違得作
所緣緣義。如餘所執空華幻夢等差別之境。雖皆
無實。但是自心所現。相分皆共許作所緣緣故。又
如等無間卽滅之心。心所於其同分之識爲前後

斷割時雖非異物卽以前滅意爲後念之等無間緣當知此識亦以四種多緣而爲緣也。四種卽前文所云四緣而增上緣又非一種故名多緣應立量云同體相分是有法得爲所緣緣宗因云同分爲斷割故同喻如等無間緣已上僅釋決定相隨故俱時亦作緣二句之義餘皆未釋或梵本未來或立所緣緣竟故不必釋也。

觀所緣緣論釋直解

助刻

芳名

性湛

海乳

教住

通賢

性聞

照坤

定文

唐奘師真唯識量畧解

宋永明壽禪師宗鏡錄中節出

②明藕益釋智旭畧解

文分爲三。初敘述。二正明。三結歎

甲 初中二。初直敘。二引證 ②今初

真唯識量者。此量卽大唐三藏於中印土曲女城戒日王與設十八日無遮大會廣召五天竺國解法義沙門婆羅門等。并及小乘外道而爲對敵立一比量書在金牌經十八日無有一人敢破斥者。

(乙)二引證

故因明疏云。且如大師周遊西或學滿將還時。戒日王。王五印土爲設十八日無遮大會。令大師立義。徧詣天竺揀選賢良皆集會所。遣外道小乘競生難詰。大師立量。無敢對揚者。

(甲)二正明三初正出三支。二問答標科。三隨科別

釋 (乙)今初

大師立唯識比量云。真故極成色是有法。定不離眼識宗。因云。自許初三攝眼所不攝故。同喻如眼識。合

云。諸初三攝眼所不攝故者。皆不離眼識。同喻如眼識。異喻如眼根。

(乙)二問答標科

問。何不令自許之言答。非是正因。但是因初寄言簡過。亦非小乘不許大乘自許。因於有法上轉。三支皆是共故。初明宗因後申問答。初文有二。初辯宗次解因。

此中先問答後標科也。問云。因中既已有自許二字。合中何不用此二字答云。自許二字非是正因。但

是因初寄言簡過。亦非謂小乘不許而大乘自許。

但以此初三攝眼所不攝故之因於有法上轉。則于差別相違三支皆是共故。故寄自許之言以簡之耳。差別相違釋在下文。初明宗因下。標科可知。

(乙)三隨科別釋。二初釋宗因。一申問答。(丙)初中

二初釋宗。二釋因。(丁)初中二。初釋前陳宗依。

二釋後陳宗體。(戊)初又二。初分文。二解釋。

(己)今初

且初宗前陳言真故極成色五箇字。色之一字。正是

有法餘之四字。但是防過

(己)二解釋又二。初釋真故。二釋極成。

(庚)今初

且初真故二字防過者。簡其世間相違過及違教等過。先簡世間相違過者外人問云。世間淺近生而知之。色離識有。今者大乘立色不離眼識。以不共世間共所知故。

比量何不犯世間相違過。答。夫立比量有自他共。隨其所應各有標簡。若自比量自許言簡。若他比量汝執言簡。若共比量勝義言簡。今此共比量有所簡別。真故之言表依勝義。卽依四種勝義諦中體用顯現。

論立

言比量中所立前陳有法。或是自立或是他立或是自他共立。有此三種不同。若是自立。則標自許之言以簡別之。若是他立。則標汝執之言以簡別之。若是自他共立。則標勝義之言以簡別之。今此色之一字是自他共立之比量。而外人不知色不離識。故以真故之言表依勝義。不依凡俗妄見也。四種勝義諦者。一世間勝義。亦名體用顯現諦。謂蘊處界等。不同外道所執我法故。二道理勝義亦。

名因果差別諦。謂苦等四諦。世出世間因果真實。不虛謬故。三證得勝義。亦名依真顯實諦。謂二空真如。約能證之智而言。四勝義勝義。亦名廢詮談。肯諦。謂一真法界。約所證之理而言也。

次簡違教過者問。不違世間非學。即可爾。又如世尊於小乘阿含經。亦許色離識。有學者。小乘共計心外。有其實境。豈不違於阿含等。教學者。小乘答。但依大乘殊勝義立。不違小乘之教學者。世間之失。

世間有二。一謂非學者。世間。即凡夫及外道也。

謂學者世間卽初果二果三果也。阿羅漢證無學

果超出三界。身雖未滅。已非世間所攝。又法華經

云。若實得阿羅漢。不信此法者無有是處。故今不

說違無學者也。學者小乘。猶言小乘學者。

(庚)二釋極成。極成二字。簡問真故之言。簡世間及違教等過。

何過耶。答。今置極成之言。爲命矣。極成二字。簡

一者。小乘二十部中。唯除一說部。說假部。說出世部。難

兜部等四部。不說最後身菩薩染汙色及佛有漏色。餘十六部皆許最後

染汙色及佛有漏色。餘十六部皆許最後

身菩薩染汙色。及佛有漏色。而大乘不許。是一般不

極成色者。

大乘說有他方佛色及佛有

無漏妙色。

小乘

經部雖許有他方佛色而

仍不許是無漏。

其餘十九

部皆不許有他方佛色。

是又一并前爲兩般不極成

色。

今設若不言極成但言真。故色是有法。定不離眼識

宗。且言色時。許之不許盡包於有法之中。在前小乘

許者大乘不許。今若立爲唯識。便犯一分自所別不

極成。亦犯一分違教之失。又大乘許者小乘不許。今

立爲有法。卽犯他一分所別不極成。及至舉初三攝

眼所不攝。因便犯自他隨一一分所依不成。前陳無極成色爲所依故。今具簡此四般故置極成之言。餘十六部許最後身菩薩染汙色及佛有漏色者。藏教權說三大阿僧祇劫伏惑不斷。所以太子在王宮時。具受十年勝五欲樂。又因交遘生羅睺羅。故云最後身有染汙色。又坐道場時。雖以三十四心斷結證無漏智。而此丈六金身猶是有漏善業所感。故云佛身是有漏色也。大乘不許者。通教則菩薩至七地時。殘思俱已斷盡。但是扶習潤生。故

無染汙。亦非有漏。別教則初住斷見。七住斷思。便無染汙及以有漏。何況後身及佛果位。圓教則初信斷見。七信斷思。便無染汙及以有漏。又况後身及佛果哉。小乘不許他方佛色者。以權教中不聞他方佛名故。經部雖許他方佛色而不許是無漏者。偶聞大乘經典。因信佛語。知有他方佛名。猶謂諸佛行因行時。決不斷惑。故所受身仍非無漏也。又小乘所計涅槃。但是空寂之理。故一切色法。咸稱有漏。不知中道法性。具足無漏妙色也。

問。極成二字既簡。其兩宗不極成色。未審三藏立何色爲唯識。答。除二宗不極成色外。取立敵共許餘一切色總爲唯識。故因明疏云。立二所餘共許諸色爲唯識故。

立字。指今大乘宗敵字。指彼小乘宗也。餘可知。

(戊)二釋後陳宗體

宗後陳言定不離眼識。即是極成能別。問。何不犯能別不極成過。且小乘誰許色不離於眼識。答。今此色字是有法宗依。但他宗中有不離義便得以小乘許

眼識緣色。親取其體有不離義。兼許眼識當體亦不離眼識。故無能別不極成過。問。既許眼識取所緣色有不相離義。後合成宗體應有相符過耶。答。無相符失。今大乘但取境不離心外無實境。若前陳後陳和合爲宗了。立者卽許敵者不許。立敵共諍名爲宗體。此中但諍言陳未推意許。

但論宗依理須共許。設非共許。便不極成。但論宗體亦須共許。設非共許。亦不極成。若前陳有法後陳宗體和合爲宗既了之後。則須立者許而敵者

不許立敵共諍方免相符之失而爲宗體。由其共諍須藉因喻以決明之乃爲真能立也。今此立宗之中但諍言陳故須云極成色未推意許故于兩宗並所許色且不必細辯其相分與本質之不同也。蓋本質色是兩宗之所並許而相分色是小乘之所不許今三藏立量言陳但一色字意許乃指相分此意許相分色直俟辯因之後方被小乘所推今于立宗中尚未推也

辯宗竟

此總結釋宗之文

(丁)二釋因。初立科。二隨釋。
 次辯因者有二。初明正因。次辯寄言簡過。
 (戊)二隨釋。二初釋正因。三釋寄言簡過。
 (己)初中又三。初正釋。二辯義。三結成。
 且初正因言初三攝者。十八界中三六界皆取初之一界也。卽眼根界眼識界色境界是十八界中初三界也。

(庚)二辯義。又二。初明初三攝義。二明眼所不攝義。

(辛)今初

八要六

問。設不言初三攝。但言眼所不攝復有何過。答。有二過。一不定過。二違自教過。且不定過者。若立量云。真故極成色。定不離眼識。因云。眼所不攝。喻如眼識。卽眼所不攝。因闊以向異喻。後五三上轉。皆是眼所不攝故。便被外人出不定過云。爲如眼識。是眼所不攝而眼識不離眼識。可證汝所極成色不離眼識耶。爲如後五三亦是眼所不攝。而後五三定離眼識。却證汝所極成色。乃定離眼識耶。問。今大乘。設言後五三攝故。

亦不離眼識。得不答。設使大乘許後五三亦不離眼識。免犯不定便違自宗。以大乘宗中說後五三定離眼識故。故今特置初三攝之半。因正遮後五三非初三攝故。

(辛)二明眼所不攝義

問。但言初三攝不言眼所不攝。復有何過。答。亦犯二過。一不定過。二法自相決定。相違過。且不定者。若立量云。真故極成色。定不離眼識。因云。初三攝喻如眼識。卽初三攝之因亦闊以向異喻。眼根上轉。便出不

80 1 2 3 4 5 6 7 8 9 100 1 2 3 4 5 6 7 8 9 100

定過云爲如眼識是初三攝而眼識不離眼識以證汝所極成色不離眼識耶爲如眼根亦初三攝而眼根非定不離眼識却證汝言極成色亦非定不離眼識耶問何不言定離而言非定不離答大乘眼根望於眼識非可定其卽爲離且非離者根識因是能識果是所根發故以同時故卽是非離也又是色識心其各別復名非卽故今但可言非定不離而不言定離也二犯法自相決定相違過者言法自相者卽宗後陳法之自相言決定相違者卽因違於宗也外人申相違量云真

故極成色是有法非不離眼識宗因云初三攝故喻如眼根卽外人將前量之異喻反爲同喻將同喻反爲異喻矣問得成法自相相違耶答人非真能破夫法自相相違之量須立者同品無異品有而敵者同品有異品無方成法自相相違今立敵兩家俱有異喻有故非真法自相相違過問既非法自相相違作決定相違不定過得不答亦非夫決定相違不定過乃立敵共諍一有法因喻各異而皆具三相所謂偏是宗法性同品定有性異品偏無性但互不生

其正智兩家悉皆猶豫不能判決成一宗故名決定

以定成

故名決定

然因

相違不定過今真故極成色雖是共諍一有法然因
且是共不是各異又各闕第三異品編無相具三相故非決定

然因

相違不定過問既無此過何以因明疏云犯法自相
相違決定過答但是疏主縱筆之勢是前共不定過
中分出是有似乎法自相相違決定過非真有故

已上釋正因中初正釋二辯義竟

庚三結成

有此所因故須置初三攝眼所不攝爲因更互簡諸

然因

不定及相違等過

問惟人出三藏量本出吾量

已上釋正因竟

問惟人出三藏量本出吾量

己二釋寄言簡過

問惟人出三藏量本出吾量

次明寄言簡過者問因初自許之言何用答緣三藏

立所量中犯有法差別相違過故先

則許著言以遮之今三藏量既有此有法差別相違過故先特

置自許之言以遮之問何得有此過耶答謂三藏量

有法中言雖不帶意許諳合蓋緣此大乘宗有兩般

色有離眼識本質色即第八識之相分有不離眼識相分色

卽眼識自所變起。若離眼識色。小乘卽許。若不離眼識色。小乘不許。今三藏量云真故極成色是有法。若望言陳自相。是立敵共許色。及舉初三攝眼所不攝因亦但成立其許色不離於眼識。若望三藏意中所許但立相分色不離眼識。將初三攝眼所不攝因成立有法上意之差別相分色定不離眼識。故因明疏云。謂真故極成色是有法自相。定不離眼識色。是法自相。定離眼識色非定離眼識色。是有法差別。今立者之意許。乃是不離眼識色耳。問外人出三藏量有法相違

過時自許之言如何遮得。答待外人申達量時。將自許二字出外人量。犯共中他不定過外量既自帶過更有何理能顯得三藏量中有法差別相違過耶。問小乘申違量行相如何。答小乘云。乍觀立者言陳自相。極指成三支無過。及推所立元是諸舍。指相分色。若於有法上意之差別。將因喻成立有法上意許相分色不離眼識者。卽眼識不得爲同喻。且如眼識無不離質色。以一切質色皆離眼識故。旣離則眼識不得爲同喻。便成異喻。卽初三等因却向異喻眼識上轉。故論云。同

品無處不成立者之宗。異品有處返成敵者相違宗義。卽小乘不改立者之因。申相違量云。真故極成。本質色是有法。非不離眼識宗。因云初三攝眼所不攝故。同喻如眼識。以眼識離中取境。非不離色故。合云。諸初三攝眼所不攝故者。皆非不離眼識。同喻如眼識。之離於外色。言非者無也。小乘云無不離眼識之色。卽遮三藏意許相分色。以是無也。所以三藏預著自許之言句。取他方佛色。却與外人量作不定過。出過云。爲如眼識是初三攝眼所不攝眼識非不離眼識。所對本質色。證汝執極成

色非不離眼識色耶。爲如我自許。見所他方佛色亦是初三攝眼所不攝。而他方佛色是不離眼識之相色。却證汝。所極成色。仍是不離眼識者耶。此則外人相違量既犯共中。他不定過。明知非真能破也。彼既非真能破。則三藏却成真能立也。問。因中若不言自許。空將他方佛色與外人相違量作不定過。有何不可。答。若空將他方佛色。不言自許者。卽他小乘不許。犯一分他隨一過。他不許此一分。他方佛色在初三攝眼所不攝因中故。故因明疏云。若不言自許。卽不得以他方佛

色而爲不定。此言便有隨一過故。問。何不待外人申
違量後著自許。言何要預前著耶。答。臨時恐難。所以
先防。

初釋宗因竟

(丙)二申問答三初辯宗依。二辯宗喻。三辯成立。
(丁)今初中盛不寧。後國無非義。諸丈止。無所
次申問答者。一問真故二字。已簡違教過。何故前陳
宗依上。若不著極成言。又有違宗之失答。真故二字。
但簡宗體上違教過。不簡宗依上違宗。若極成二字。

卽簡宗依上違宗等過也

世間及小乘教皆謂色離眼識。故以真故二字簡
宗體違教之過。宗依有法之中。自有兩般不極成
色。倘泛立爲有法便違。不離眼識之宗。故須以極
成二字簡之也。

(丁)二辯宗喻

問。後陳中之眼識與同喻中之眼識何別。答。言後陳眼識
雖同。而意許各別。當知後陳中之眼識意許是自證分。同
喻中之眼識意許是見分。見分不離自證分故。如同

宗中之相分不離自證分也。問。若爾何不立量云。相分是有法定不離自證分是宗。因云。初三攝眼所不攝故。同喻如見分答。小乘不許有四分故恐犯隨一等過。故但言眼識。

①三辯成立

問。此量言陳立得何色耶。答。若但望言陳卽相分二種色皆成不得。若將意就言卽立得相分色也。又解。若小乘未徵問前卽將言就意立。若小乘既徵問大乘答後卽許之將意相分就言立也。

將言就意謂意許本是相分而言。陳但可云色也。將意就言謂言陳雖但言色而意許之相分已得成立也。問。旣分相分本質兩種色便是不極成故。前陳何言極成色耶。相分非共許故答。若望言陳有法自相。乃是立敵共許色。故著極成二字。若相分色。但是大乘意許。何關言陳自相。寧有不極成乎。諸鈔皆云。不得分開者非也。若爾。則小乘執佛有漏色。大乘明佛有無漏色等在於前陳。若不分開。當應名極成色耶。彼旣不

爾此云何然

言彼兩宗互不許色。既爾不得不分。則此相分本質二種。云何可不分耶。上來第二大科正明竟

(甲)三結歎

問。今談宗顯性。云何廣引三支比量之文。答。諸佛說法尚須依於俗諦。不廢俗而獨詮真。又况此三支比量理貫五明。所謂內明。因明。聲明。醫方明。非止文字語言。乃是以破立爲宗。言生智了爲體。可以摧凡小之異執。能定佛法之綱宗。所以教無智而不圓。譬如木非繩而靡直。既比之。則可以生誠

信伏邪倒之疑心。

復量之。則

可以定真詮。杜狂愚之

妄說。故得正法之輪永轉。唯識之旨廣行。則知事有

顯理之功。言有定邦之力。如慈恩大師云。因明論者

元唯佛說。文廣義散。備在衆經。故地持論云。菩薩求法當於何求。當於一切五明處求。求因明者爲破邪

論。安立正道。劫初足目。創標真似。爰暨世親。再陳軌

式。雖綱紀已列。而幽致未分。故使賓王對揚猶疑立

破之。則有陳那。菩薩是稱命世賢劫千佛之一佛也。

匿迹巖藪。栖巒等持。觀述作之利害。審文義之繁約。

于時巖谷振吼。雲霞變彩。山神捧菩薩足。高敷百尺。
 唱言佛說因明。玄妙難究。如來滅後。大義淪絕。今幸
 福智攸邈。深達聖旨。因明論道。願請重弘。菩薩乃放
 神光。照燭機感。時彼南印土。按達羅國王。見放光明。
 疑入金剛。喻定請證無學果。菩薩曰。入定觀察。將釋
 深經。心期大覺。非願小果。王言無學果者。諸聖攸仰。
 請尊速證。菩薩撫之欲遂。王請妙吉祥。菩薩因彈指
 聲曰。何捨大心。方興小志。爲廣利益者。當轉慈氏所
 說瑜伽。匡正頽綱。可製因明。重成規矩。陳那敬受。指

誨奉以周旋。於是覃思研精。迺作因明正理門論。正
 理者。諸法本真之體。義門者。權衡照解之所由。又瑜
 伽論云。云何名因明處。爲於觀察義中。諸所有事。
 所建立之宗法名。觀察義能隨順之因法名。諸所有事。是中
 諸所有事。卽是因明。以是爲因。則能照明觀察義故。且如
 外道執聲爲常。若不以量比破之。何由破執。如外道
 立量云。聲是有法。定常爲宗。因云所作性故。同喻如
 虛空。所以虛空非所作性。則因上不轉引。喻不齊。立
 聲爲常不成。若佛法中。聲是無常。立量云。聲是有法。

定無常爲宗。因云。所作性故。同喻如瓶盆。異喻如虛空等。是知若無此量。曷能顯正摧邪。所以實際理地不受一塵。佛事門中。不捨一法。若欲學諸佛方便。須具菩薩徧行。一一洞明。方成大化。

已上結歎三支竟。此下總歎藏識非正結因明也。如上廣引藏識之文。祖佛所明。經論共立。第八本識真如一心。廣大無邊體性微細。顯心原而無外包性。藏以該通。擅持種之名。作總報之主。建有情之體。立涅槃之因。居初位而總號賴耶。處極果而唯稱無垢。

備本後之智地。成自他之利門。隨有執無執而立。多名據染緣淨緣而作衆體。孕一切而如太虛包納。現萬法而似大地發生。則何法不收。無門不入。但以迷一真之解。作第二之觀。初因覺明能了之心。發起內外塵勞之相。於一圓湛。析出根塵。聚內四大爲身。分外四大爲境。內以識情爲垢。外因想相成塵。無念而境貫一如。有想而真成萬別。若能心融法界。境豁真空。幻翳全消。一道明現。可謂裂迷途之緻網。抽覺戶之重關。悟夢醒而大覺。常明狂性歇而本頭自現。

此正顯唯識一宗。不可不究明精曉而融入心鏡也。文並易知。無勞更釋。欲人卽相悟性。乃結歎之深意。三宗後學。幸各思之。

真唯識量畧解

助刻芳名

悟偉

正元

性弘

性靈

如幻

定曉

常淨

性悟

照霞

慧珂

祖德

理徵

開復

如法

定文

八識規矩直解

八識規矩直解

實無辨解。有之而五與三藏法師玄奘作

萬益沙門智旭解

前五識頌

性境現量通三性

統論所緣凡有三境。一性境。二帶質境。三獨影境。

一性境者。性是實義。謂相分色從相分種子所生。故名爲實。此復有一。一無本質。二有本質。一無本質者。卽第八心王所緣根身器界及諸種子。但是

自變自緣不假外質。然約器界及他人之浮塵根
既是共相識種所變亦得說有外質也。根本智親
證真如雖不變爲相分亦名性境。二有本質者卽
今五識所緣現在五塵及明了意識初念并定中
獨頭意識所緣定果色等皆托第八識之相分以
爲本質隨卽變爲自識相分而爲所緣猶如鏡中
所現羣像雖約真諦言之則皆如幻如夢了無真
實而約俗諦言之則五塵卽是五識相分從種子
生還熏成種不同空華鏡像兔角龜毛亦復不同

過去未來之不可得故名性境也。帶質獨影_量境
下文方解。現量者現謂顯現量謂度量五根對境
分明顯現依之發識緣慮度量雖無隨念計度二
種分別然有自性分別得彼性境不錯不謬任運
了別不帶名言也。三性者善惡無記也。五識能助
第六意識作善惡業若與信等相應則善性攝若
與無慚等相應則惡性攝俱不相應則屬無記性
攝故云通三性也。

眼耳身三二地居

八要

規矩頌

仁

五根通于二界五地。惟無色四天乃無五根。今明五識則鼻舌二識惟欲界得行。初禪以上無段食雜氣故不現行也。眼耳身三識唯欲界五趣雜居地及初禪離生喜樂地此二地中得行。若二禪內淨喜樂則無外色外聲外觸可緣故并眼耳身之三識亦不起現行也。三禪已上不言可知。

徧行別境善十一中二大八貪瞋癡

此明五識但與三十四心所得相應也。徧行五心所謂作意觸受和患。徧一切心決相應故。別境五

心所謂欲解念定慧由同時意識所引亦得于別
別境生欲等故善十一謂信慚愧無貪無瞋無癡
勤安不放逸行捨不害欲界善五識得與十善相
應但除輕安初禪善眼耳身識并得有輕安故。中
二隨煩惱謂無慚無愧大八隨煩惱謂掉舉惛沉
不信懈怠放逸失念散亂不正知。若惡心中定有
此十若有覆無記心中定有掉舉等八故貪瞋癡
者根本煩惱之三癡卽無明徧與一切染心相應
五識緣欲界順情五塵有任運貪若緣違情五塵

有任運曠故外道凡夫入初禪時眼耳身識唯有貪癡亦不名惡但名有覆無記若佛弟子入初禪者有觀慧故不昧著故并無根本癡食及大隨八但名爲善也

五識同依淨色根九緣七八好相鄰

淨色根謂勝義五根乃第八識所執受之相分以能發識此知是有雖是色法非外四大所造亦非肉眼可見故名爲淨色根依此五根乃發五識此根卽名增上緣依眼識則更須空緣明緣境緣作

意緣分別依緣染淨依緣根本依緣種子依緣方得生起現行故云眼識九緣生耳識則除明緣但須八緣以闇中亦聞聲故鼻舌身三識則并除空緣但須七緣以合時方知香味觸故

合二離二觀塵世愚者難分識與根

鼻舌身三合中取境眼耳二種離中取境故曰合三離二觀塵世也觀者能緣之見分塵世者所緣之相分五根對境無緣慮用故大佛頂經云但如鏡中無別分析圓覺經云其光圓滿得無憎愛五

識緣境則有自性分別任運起貪瞋癡然猶無有隨念計度二種分別所以不帶名言不執爲外仍名現量同時率爾意識亦復如是直至尋求等流心起方墮此非正量之中然此根識不同之致惟有秉大乘教以智觀察乃能分之若愚法聲聞則便難於分別况凡外乎

變相觀空惟後得果中猶自不詮真圓明初發成無漏三類分身息苦輪

此明五識至果位中轉爲成所作智之時猶自不

能親證真如體性但於自識變起真如相分以觀二空之理故非根本智攝惟是後得智攝也未成佛前一向有漏直俟金剛道後異熟識空轉成大圓鏡智相應之菴摩羅識名爲圓明初發爾時菴摩羅識所持五根成無漏故依根所發五識亦成無漏名爲成所作智相應心品能於盡未來時徧十方界示現三輪不思議化度脫一切有情生死苦輪也

第六識頌

八要七規矩頌

五

三性三量通三境三界輪時易可知

三性卽善惡無記。三量謂現量。比量。非量也。此識若與五識同起。率爾緣現在境。不帶名言。不執爲外。則屬現量。若入禪定緣。禪定境亦屬現量。若入二空觀智。或根本智親證真如。或後得智變相觀空。亦皆現量。若藉衆緣而觀于義。不倒不謬。如見烟知火。見角知牛等。則名比量。若顛倒推求。虛妄計度。不能如理而解。不能如事而知。如無我計我。不淨謂淨等。又如見杌疑人。見繩疑蛇等。又如翳

覩空華。捏觀二月等。皆名非量也。三境卽性境。帶質境。獨影境。性境已如前釋。帶質境復有二種。一者以心緣心。名真帶質。卽第六識。通緣一切心及心所。及第七識單緣。第八識之見分是也。二者以心緣色。名似帶質。謂帶彼相起。有似彼質。如依經作觀。非是五識所緣現境故也。獨影境亦有一種。一者無質獨影。如緣龜毛等。二者有質獨影。如依經作觀。雖似托彼爲質。終是獨頭意識所現影故。今第六識最爲明利。故能通緣三境。而於三界輪

轉之時最易可知也

相應心所五十一。善惡臨時別配之

謂此第六識心與五十一心所皆得相應。所謂徧行五別境五善十一根本煩惱六大隨八中隨二小隨十不定四隨其所起或多或少初無一定故須臨時別配具如唯識論中諸門分別也。根本煩惱卽貪瞋癡加慢疑邪見爲六小隨十謂忿恨覆惱嫉慳誑諂害憊不定四謂悔眠尋伺性界受三恒轉易根隨信等總相連

言此第六識心或時與信等相連則爲善性或時與根隨煩惱相連則爲惡性或時不與善惡相連但與遍行別境等相連則便爲無記性。故三性恒轉易也。或緣欲界或緣色界或復緣無色界故三界恒轉易也。或時喜受或時樂受或時憂受或時苦受或時不苦不樂名爲捨受故五受恒轉易也。動身發語獨爲最引滿能招業力牽與無想界對應謂身語二業皆由此第六識方能動發由第六識與發業惑相應能造善惡引業此業雖謝所熏種

子至成熟時能招六道總報。由第六識與潤生惑
相應能造善惡滿業。此業雖謝所熏種子至成熟
位能招六道別報所招總報名真異熟所招別報
名異熟生若總若別苦樂萬狀皆第六識造業所
牽感也。發起初心歡喜地俱生猶自現纏眠。卷第十一
發起初心者謂妙觀察智相應心品初發起時在
于菩薩初歡喜地也。蓋由資糧加行位中用有漏
聞思修慧漸伏我法二執現行亦復助熏無漏智

種令其漸漸成熟故至初歡喜地頓斷分別我法
二執種子得與妙觀察智相應然其俱生我法二
執之現行纏綿及隨眠種子尚自未斷猶須數數
修習之力乃能伏斷也。遠行地後純無漏觀察圓明照大千。卷第十二
此明菩薩第七地後俱生我執永伏雖有俱生微
細法執或時現起而非有漏故能觀察諸法圓滿
明淨普照大千世界機緣隨應說法化度也。

第七識頌

帶質有覆通情本。隨緣執我量爲非。

此明第七識所緣乃托第八識之見分以爲本質。是真帶質。此識雖非善惡性惟無記。而由俱生我執隱覆真理故名有覆。三界有情所以枉受輪迴。不證涅槃通以此執爲本故名爲通情本。隨所生處必緣第八識之見分妄執爲我故名爲非量也。八太徧行別境慧貪癡我見慢相隨。此明第七識相應之心所也。大隨有八徧行有五別境惟慧根本則我貪我癡我見我慢惟此十八。

懂得相應

恒審思量我相隨有情日夜鎮昏迷四惑入大相應起六轉呼爲染淨依

第八則恒而不審第六則審而不恒前五則不審不恒惟此第七末那子有漏位恒審思量非我執我此妄執之我相無始隨逐無時暫捨所以有情日夜昏迷不能自拔也。四惑卽我貪我癡我見我慢八大卽掉舉惛沉等前六轉識修施戒等諸善行時由此第七念念執我令所修善不能亡相故

名染依。若此識轉爲平等性智。則前六識所修諸行皆成無漏名爲淨依。所以前六轉識呼此第七識爲染淨依也。

極喜初心平等性無功用行我恒摧

謂此第七末那無始妄執我法。直待菩薩初歡喜地第六意識入二空觀。斷盡分別。二執種子亦伏俱生二執現行。此第七識方初得與平等性智相應。然由俱生我執未斷。所以出觀之後。仍復執我直至八地無功用行。方不復起現行我執也。

如來現起他受用十地菩薩所被機

謂四智菩提皆是如來自受用報身所攝。而用各不同。若爲地上菩薩所現。他受用報身。則是平等性智之用。其所被機。唯是十地大菩薩也。

第八識

性惟無覆五徧行界。地隨他業力生。謂第八識非善非惡。亦非有覆故。其性但是無覆無記。但與徧行五心所相應也。三界九地。但隨夙世善惡引業所牽受生。分毫不能自作主張。豈可

執爲我哉。第八識之行相甚爲微細。難可了知。佛恐愚法聲聞妄執爲我。故于阿含諸經姑未顯說。而二乘迷於佛旨。執于權教。不了此識。是有情總報之主。生死涅槃之依。妄撥爲無。故大乘論主廣引聖教備顯正理。以與之爭。蓋欲破彼妄執故也。

浩浩三藏。不可窮淵深。七浪境爲風受熏。持種根身器。去後來先。作主公。

此第八識。真有能藏所藏執藏義故。所以浩浩而不可窮其邊際。淵深而不可得其源底也。此識持一切轉識種子。故名能藏。受轉識所熏成種。故名所藏。被第七識執之爲我。故名執藏。此識如水前七轉識。依此得起。猶如波浪。此識所現境界之性能與轉識作增上緣。猶如猛風。此識一味無記恒時相續。故受前七轉識之所熏習。持一切法之種子。持內根身。持外器界。若干死位。此識最後捨去。若干生位。此識最先來執。雖非實我實法。而一期

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

生死必以此爲總報主也。不動地前纔捨藏金剛道後異熟空大圓無垢同時發普照十方塵刹中。

此識有種種名。一名阿賴耶識以其被第七識執爲我故。此名至不動地前我執永伏。卽便先捨二名爲異熟識以是善惡漏無漏業至成熟時所招感故。此名直至金剛道後圓滿佛果方得捨之。三名一切種識通于因果凡聖等位。但至成佛之後則惟持圓滿無漏善種盡未來際利樂有情更不

爲黑。以其一切有漏種子及一分劣無漏種皆永斷故。名之爲無垢淨識以其與極善無漏之慧心所恒相應故。名之爲大圓鏡智。此識一轉此智一發則法界洞朗真俗等觀。故云普照十方塵刹中也。

八識規矩直解

助刻芳名

音容 圓果 等慈 通權 智愷 海真

智昌 得清 普見 與嗣 照瑞 通瑞

八靈瑞取福具

事

卷頭去界賦眼真奇華曉達口音點十丈雲曉中
西時時識造各之餘大圓覺皆此鑑一轉迦賈一
遺祐今文書無張學歸與其真跡善無漏支慧公
頭惠以共一枝青識誰子又一念云隱藏詩旨承

六離合釋法式畧解

讀物外書錄唱端姑益滿益智旭畧解

西方釋各有其六種。一依主。二持業。三有財。四相違。五帶數。六鄰近。以此六種有離合故。一一具二。若單一字名。卽非六釋。以不得成離合相故。

已上總標。已下別釋。卽爲六也。

初依主者。謂所依爲主。如說眼識。識依眼起。卽眼之識。故名眼識。舉眼之主。以表於識也。亦名依士釋。此卽分取他名。如眼識。名爲色識。耳識。亦名聲識。如子取父

名名爲依。王父取子名。卽名依士。所依劣故。
識如子。根如父。故眼識等名爲依士。識如父。塵如
子。故色識等名爲依士。蓋王勝而士劣也。餘可知。
言離合相者。離謂眼者是根識者了別。合謂此二合
名眼識。餘五離合準此。應知。

止餘五。指下五釋皆有離合也。餘可知。一依王釋竟。
言持業者。如說藏識。識者是體。藏是業用。用能顯體。
體能持業。藏卽識。故名爲藏識。故名持業。

六離之則藏是能藏所藏。執藏之義。識是了別之義。

令之則識爲體。藏爲用。以用顯體。體持于用。故名
持業也。

亦名同依釋。藏取含藏用。識取了別用。此二同一所
依。故名同依也。

此以藏識二字俱約用釋。而同依于第八心王之
體。故亦得名同依釋也。二持業釋竟。東歸客我於
言有財者。謂從所有以得其名。一如佛陀。此云覺者。
卽有覺之者。名爲覺者。此卽分取他名。

離之則者字。指人。覺字指法。合之則者字。正指能

有之人。名之爲自覺。字乃指所有之財。名之爲他。故爲分取他名。

二如俱舍非對法藏。對法藏者是本論名。爲依根本對法藏造故此亦名爲對法藏論。此全取他名。亦名有財釋。

俱舍論是自對法藏是他。依對法藏之他造于俱舍論之自。卽名俱舍論爲對法藏論。此俱舍論能有對法藏之財。是全取他以彰名也。三有才釋竟言相違者。如說眼及耳等。各別所詮皆自爲主。不相依。王持業之二釋也。四相違釋竟。

隨順故曰相違。爲有及與二字。言非前二釋義通帶數。

有財

又華正說異文。此無間此。餘同上。入心王。

若直云眼耳。則離之各詮一物。合之互不相攝。故名相違。若言眼及耳等。或言眼與耳等。既有及字與字。或借此以顯數。卽通帶數或以及與二字。表於能有眼耳等字。表於所有。卽通有財。然決非前依王持業之二釋也。四相違釋竟。

言帶數者。以數顯義。通於三釋。如五蘊二諦等。五卽是蘊。二卽是諦。此用自爲名。卽持業帶數。

五二皆數也。蘊以積聚爲義。諦以審實爲義。五皆積聚。二皆審實。故是持業帶數。如眼等六識。取自他爲名。卽依主帶數。

識是能依之自眼等是所依之他。六則是數。故名依主帶數。此以應彼四處皆是。又與二字末如說五逆爲五無間。無間是果。卽因談果。此全取他名。卽有財帶數。下弑父等五逆罪乃是無間之因。無間地獄劇苦。乃是五逆之果。今說五逆爲五無間。則是以果名因。

卽因談果。逆罪是能有之因。爲自。無間是所有之財爲他。五則是數。故名有財帶數。五帶數釋竟言鄰近者從近爲名。如四念住以慧爲體。以慧近念。故名念住。

此先舉例以明鄰近釋也。四念住卽四念處。本是觀慧爲體。而念之與慧皆是別境心所。相鄰近。故名爲念住。故是鄰近釋也。既取鄰近爲名。故不既是鄰近不同。自爲名。無持業義。通餘二釋。以自爲名。乃有持業之義。今既取鄰近爲名。故不

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

可作持業釋。但通依主有財二釋也。

一依主鄰近。如有人近長安住。有人問言爲何處住。
答云長安住。此人實非長安住以近長安故云長安
住。以分取他長安名復是依主鄰近。

長安是所依之他住者是能依之自所依勝故名
爲依主而近於長安卽名爲長安住故是依主鄰
近也。

二有財鄰近如問何處人答曰長安以全取他處以
標人名卽是有財以近長安復名鄰近。

人是能有正報長安是所有依報故是有財近長
安卽名爲長安故是有財鄰近也。六鄰近釋竟
頌曰用自及用他自他用俱非通二通三種如是六
種釋。

持業釋用自有財釋用他依主釋自他雙用相違
釋自他俱非隣近釋通於二種謂依主鄰近有財
隣近帶數釋通於三種謂依主帶數有財帶數持
業帶數也。

六離合釋法式略解

助刻芳名

寂震 均偉

海音 性賓

善溥 實臨

彌勒慈尊廣度法界舍識
丁亥仲夏日記于金陵祖堂山大聖真釋堂
助刻芳名

80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

一

廿九